

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta:
Broj akta:
Gračanica, . godine

Na osnovu člana 8. Statutarne Odluke o organizaciji Grada Gračanica u skladu sa Zakonom o Gradu Gračanica („Sl. glasnik Grada Gračanica“, broj: 1/19), shodno članu 71. stav 4. Statuta Općine Gračanica ("Službeni glasnik Općine Gračanica", broj: 4/09 i 11/18) Gradsko vijeće Gračanica na sjednici održanoj dana _____. godine, d o n o s i

ODLUKU
o visini naknade predsjednicima vijeća mjesnih zajednica

Član 1.

Ovom odlukom utvrđuje se visina naknade predsjednicima vijeća mjesnih zajednica koja se isplaćuje iz Budžeta Grada Gračanica.

Član 2.

Predsjedniku vijeća mjesne zajednice za vršenje funkcije pripada naknada u mjesečnom iznosu od 20 %, od prosječne neto plaće ostvarene u Federaciji Bosne i Hercegovine za prvih šest mjeseci prethodne godine.

Član 3.

Mjesna zajednica će svojim Statutom regulisati pitanje naknade predsjedniku i članovima vijeća mjesne zajednice u skladu s finansijskim mogućnostima mjesne zajednice.

Član 4.

Odluku o isplati naknade iz člana 2. ove odluke, utvrđuje Gradonačelnik.

Član 5.

Sredstva za sprovođenje ove odluke obezbijediti će se u Budžetu Grada Gračanica.

Član 6.

Odluka stupa na snagu danom objavljivanja u “Službenom glasniku Grada Gračanica”.

PREDSJEDAVAJUĆI
GRADSKOG VIJEĆA
Nihad Krajinović

OBRAZLOŽENJE

PRAVNI OSNOV

Pravni osnov za donošenje ove Odluke sadržan je u članu 71. Statuta Općine Gračanica u kojem je predviđeno da Predsjednik mjesne zajednice za svoj rad prima naknadu iz Budžeta Grada, a u skladu s posebnom odlukom Gradskog vijeća.

RAZLOZI DONOŠENJA

Kolegij Općinskog vijeća je na sjednici održanoj 19.02.2019. godine utvrdio Nacrt Odluke o visini naknade za rad predsjednicima vijeća mjesne zajednice u iznosu od 10 % od prosječne neto plaće ostvarene u Federaciji Bosne i Hercegovine za prvih šest mjeseci prethodne godine. Ovaj iznos utvrđen je shodno Odluci o visini naknade članovima Općinskog vijeća i članovima radnih tijela, gdje je takođe visina naknade utvrđena u procentualnom iznosu od prosječne plate u Federaciji BiH.

Općinsko vijeće Gračanica je na sjednici održanoj 27.02.2019. godine usvojilo Nacrt Odluke i isti uputilo na javnu raspravu. u roku od 60. dana.

TOK JAVNE RASPRAVE

Stručna služba je provela javnu raspravu te je zatražila od svih vijeća MZ mišljenje o predmetnoj Odluci.

Mišljenje su dostavile sljedeće mjesne zajednice: Stjepan Polje, Miričina, Škahovica i Gornja Orahovica.

Pristigle primjedbe i sugestije:

Stjepan Polje: Prijedlog je da visina naknade predsjedniku bude u mjesečnom iznosu od 5 % od iznosa grant sredstava za mjesnu na godišnjem nivou.

MZ Škahovica i MZ Miričina su dale prijedlog da mjesečna naknada bude 30 % od prosječne plaće ostvarene u Federaciji.

MZ Gornja Orahovica predložila je da mjesečna naknada za rad predsjednika vijeća MZ bude 50 % vijećničkog paušala.

OBRAZLOŽENJE PREDLOŽENIH RJEŠENJA

Članom 2. Prijedloga predviđeno je da se utvrdi za rad Predsjednika vijeća mjesne zajednice u iznosu od 20 % od prosječne neto plaće ostvarene u Federaciji Bosne i Hercegovine za prvih šest mjeseci prethodne godine. Naknada je utvrđena na osnovu realnih mogućnosti Budžeta Grada za 2019. godinu. Naime, Budžetom Grada Gračanica za 2019. godinu nisu predviđena sredstva za ovu naknada, a prilikom pripreme i izrade Prijedloga Odluke o izmjenama i dopunama Budžeta za 2019. godinu u saradnji s Kolegijom Gradskog vijeća bilo je moguće obezbijediti sredstva za provođenje ove Odluke u iznosu predviđenom članom 2.